


**Propemptica In Felicissimum Abitum ... Viri, Dn. Samuelis Coronaei, Chilonio
Holsati Cum Pastor Ex Incluta Academia Rosarum ad Bellum ... Legitima
vocatione praevia ...**

Rostochii: Reusnerus, 1609

<http://purl.uni-rostock.de/rosdok/ppn770462057>

Druck Freier  Zugang




CARMINA
in S. Coronaeus.

R. 1609.

33

PROPEMICA
IN
FELICISSIMUM ABITUM
Reverendi & doctissimi Viri,
DN. SAMVELIS
CORONAE, CHILO-
NIO HOLSATI

Cum Pastor

Ex Incluta Academia Rosarum ad Bellin  *Legitima vocatione praevia,*
facta
a
Commensalibus Amicis



AUXILIUM ME-
UM A DO-
MINO.

ROSTOCHII
Typis Reufnerianis, Anno M. DC. IX.



Ibis Faselo per mare Balthicum
Petens potentis littora Sveciæ
Virtute, Doctrina polite
Christicolûm S A M V E L fidelis

Pastor. Fatendum, me stimulus movet,
Ardoris alti, linqvere te bene,

Notos, diu gratos, probatæ
Et fidei varios Amicos.

Mortalitatem ludificat Salus
Modis stupendis, mirificis cyclis,

Alto throno turbat potentes
Ex humili genitos parente,

Extollit. Hirus divitias capit,

Croesi cluentes. Quanta per omnia,
Vicissitudo sit caduca,

Hevigenûm cathedrâ profaris.

Mirere nullus Varniadum choros

Linqvi. Rosetum nec sine Numine,
Vexilla quando tû seqvenda,

Martigenûm Reducum & cohortis.

Bellona nullis tempora vulnerat.

Hastis: I E H O V Æ tutus es arduis
Signis prout te sacra Doctum,

Pagina certificat beatq;

Munitus ibis Cælicolûm choris:

Hi sunt piorum murus aeneus


Turnisve Fortis: Quos precatu

Hoc penitus Tibi destinabo.

Martinus Smechelius Poëta Laureatus.

A 2

Sunt



Sunt Duo, quæ mirâ Mundum virtute gubernant;
 Sed dubiis Mundum ludit utrumq; modis.
 Est Fortuna potens: est insuperabile Fatum:
 Hoc subit ambiguas Sortis & Illa vices.
 Fata regunt homines: nihil at durabile Fatis:
 Ex aliis alia ad nos loca Fata vocant.
 Sic Fortuna regit vitam: dominatur in omni
 Re, sed per constans in levitate sua.
 Ludit in humanis rebus discrimine nullo:
 Omne dat incertâ, mox rapit omne manu.
 Sapius immeritos vehit ad fastigia rerum,
 Et quos debebat tollere, sternit humi.
 Format & ancipiti diversos turbine casus,
 Et modò qui felix, non sinit esse diu.
 Gaudia dum simulat subvertere cogitat orbem:
 Ridens insidias exitumq; parat.
 Non opus exemplis: Tua res satis arguit ipsum,
 O S A M V E L nostri Portio chara gregis.
 Expertus satis es sit quanta potentia Fati;
 Fortuna & dubia sint sine fine vices.
 Hæc licet obtulerit modò se non fausta sinistram:
 Jam videt blandis obsequiosa genis.
 Hujus blanditiis fretus, facieq; benigna
 Non dubitas Martis signa cruenta sequi.
 At dubitet modò quis; num te Fortuna vocarit;
 Vel Fatum sedem suasit inire novam?

Et li-

Et licet exhibeant tibi vultus Ambo serenos;
At mage nunc libeat dicere Fata tamen.
Nam quæ disponente Deo & moderante geruntur
Nobis inuitis, Fata ea nempe vocant.
Sic te Fata volunt: Fatis parere necesse est,
Fatum nolle sequi, est bella movere Deo.
Linque igitur Mensam nostram proficiscere ad arma,
I tibi quo Fatum sydere monstrat iter.
Sen prosis patria, diuinis legibus usus
Sive aliis terris, gratus ubiq; Deo es.
Principium felix dedit ut diuina potestas,
Sic ventura tibi prosperiora dabit.
Omnia dat D E V S omnipotens, in vota vocatus,
Eidentemq; sibi deseruisse nequit.
Hinc iter ingressum per Baltica littora summo
Numine deducat spiritibusq; bonis:
Aër ne noceat, nec aqua, nec terra, nec ather
Hostica nec tangant, tela: cruenta manus.
Ille det & vires animi corpusq; paratum,
Officio ut possis rite vacare dato.
Iusta precor, voto faxit D E V S omnia cedant,
Atq; tibi ad nutum prospera cuncta fluant.

Jacobus Freibergius
LL. Studios.

A 3

Ergone



ERgone nos linques SAMUEL linquesve Rosarum,
Vrbem Magnificam doctiloquosq; viros?
Sat constat nobis tua certa vocatio, Svecos
Te monet Arctoos per mare adire citò.
Non te detineo verbis magè prosequar illud
Voto iter, ut faustum prosperitate fiet; ;
Sit corpus sanum, nummis sit pera repleta,
Post menses aliquot, quando redire cupis.
Ipse Deus gressus fortunet & ornet euntem,
Hisce meis preculis ire redire para,

*Christianus Nadrenseus Pom. LL. Stud.
Amicitiaè ergò fecit.*



SAMMVEL CORONÆVS CHILONIENSIS
HOLSATIA PASTOR,

αιαζαμπαλιζουηθ;

Præstò sit salus, ò mihi Corona; Nec in his
malo: Vale.

SInt mala fata malis. ferat impia turba dolores,
Omen iners reprobos vexet, & horror iners.
Tu tibi quid timeas? MIHI per dilecta CORONA;
Non nocitura tibi parma vel arma, putes.
Sic voluit, credas, facti suprema potestas;
Hæc, te legitimâ sede sedere, dedit.
Nil igitur causa, curis cur fluctuet arvis
Mens tua; Qui voluit, tî quoq; posse dabit.

Per

Per mare, per terras, loca per saxosa, per ignes,
Adstabit socius, semper ad arma, Deus.
Sis liceat felix, ubicunq; lubebit adire,
Sisq; memor, cures chara CORONA, mejs.
Nil tibi rumpat iter, nec te mala fata rerar dent,
Retrahat inceptum nec vaga turba tuum.
Verum nonne vides, quanto fera bella tumultu
Jam trepident? Quisquis pronus ad arma fremit.
Quid bombardæ sonat? Lituus quid? Pluraq; Martis
Tympana? Quid varios cogit ad arma viros?
Quid sonus & clamor? Quid utring; jacentia spectas
Corpora? Quid dubius vulnera tanta vides?
Quid tibi (Dè vertant) tandem Bellona minatur?
Quid multis alijs? Mors solet arma sequi.
Tu tamen interea speres, meliora favebunt
Dij, quia non omnis, qui capit arma, malus.
Artem per Martem serves, Martemq; per artem:
Et Dea bellorum docta Minerva cluet.
Tristia signa vides belli? Pia signa reponet;
Cum Sacramentis biblia junge sacris.
Militis arma vides hostilis? Fortior ille
Omnibus, à justis qui cupit esse Deus.
Aëra glans penetrat? Dominus regit omnia celi,
Ad justè meritos deferet ille globos.
Clamor inest lituis? Resonent sacra dogmata verbi.
Arma vides? Armat spesq; fidesq; pios.
Funera densantur? Justis mors porta salutis:
Justus habet vitulis digna trophæa suis.
Vulnera cernis? Habent cur fortes usq; putentur:
Vix solet in pigris vulnus inesse viris.
Ergo quid metuas, quicquid Bellona minetur?
Estné pijs facilis, qui regit arma, Deus.

Mulca

Multa SALVS igitur SIT PRÆSTO, gaudia multa,
O MIHI præ reliquis chara CORONA viris!
Ipse Deum cæli prece suscito solis ab ortu,
Tu mecum, ut tibi det semper inesse bonis.
Nec mala te vexent, volo, fata MALO vè NEC INSIS,
Sed tua fortunet capta Monarcha poli.
Dî tibi dent tactâ vitam reducere metâ,
Vt tibi gratantis Carmina plura feras.
Te tamen interea memorem docet esse tuorum,
Fas est ex animo dicere utring, VALE.
VIVE tVIs feLIX, Ita fortla sVrge per aVsa,
SltqVt tibi faVstos enVMerare Dies.

Marcus Rungius Prætor
Holsatus.



5

Et licet exhibeant tibi vultus Amb
At mage nunc libeat dicere Fa
Nam quæ disponente Deo & moder
Nobis invitis, Fata ea nempe v
Sic te Fata volunt: Fatis parere n
Fatum nolle sequi, est bella mor
Linque igitur Mensam nostram pr
Tibi quo Fatum sydere monstre
Sen profus patria, divinis legibus us
Sive aliis terris, gratus ubiq; D
Principium felix dedit ut divina po
Sic ventura tibi prosperiora dab
Omnia dat D E V S omnipotens, in
Fidentemq; sibi deservisse nequit
Hinc iter ingressum per Baltica littor
Numine deducat spiritibusq; bon
Aër ne noceat, nec aqua, nec terra,
Hostica nec tangant, tela: cruent
Ille det & vires animi corpusq; para
Officio ut possis ritè vacare dato.
Iusta precor, voto faxit D E V S omni
Atq; tibi ad nutum prospera cui

Iacob
A 3

atur

arma,

is,

gius
ios.

Ergone

